



SMALL BUSINESS

ESSENTIAL TAX GUIDE



Follow us on



INKHOMBANDLELA LEMCOKA YENTSELA YEMABHIZINISI LAMANCANE

Lenkhombandlela iniketa lwatiso lolumcoka Kumabhizinisi Lamancane, Lasafufusa Nalasemkhatsini (SMMEs) kanye netibopho tawo tentsela letimayelana nekubhalisela intsela, kufayela, nekukhokhela Temisebenti Yentsela TaseNingizimu Afrika (i-SARS). Iphindze ifake lwatiso lolumayelana naletinhlobo tentsela lokungahle kudzingeke utikhokhe kuye ngebukhulu nangenhlobo yelibhizinisi lakho.

Ngena yebunyenti betibopho temtsetfo wetentsela letimayelana netinhlobo letehlukene temabhizinisi, ngembi kwekucala libhizinisi lakho, cala ngekutsatsa sincumo ngenhlobo yelibhizinisi lofuna kulicala.

Umsebenti wemnikati welibhizinisi

Ekugcineni, banikati belibhizinisi banemsebenti wekufayela nekukhokha ku-SARS ngalokunembako futsi kusanesikhatsi. Luko akubuki kutsi ingabe Unachwepheshwa Wentsela noma unemuntfu lokubukela tindzaba takho tentsela.

Kukhokha intselo



Kukhokha intselo kungentiwa ngekusebentisa i-eFiling noma ngekusebentisa indlela yekundulisa imali yelibhange. Kukhokha intselo kufuneke kwenteke ngesikhatsi lesibekiwe kute uvimbele kukhokha intalo nekujeziswa. I-SARS angeke isaphindza ivume kwamukela emasheke emva kwaDisemba 2020.



Kugcina emarekhodi

Kugcina kahle emarekhodi kukusita kutsi ukhone kuchaza loko lokubikako uma ubuyisa intselo yemalingena yakho uma kungenteka kutsi i-SARS ibe nemibuto mayelana nelwatiso lolubikako uma ubuyisa intselo yakho yemalingena. Kugcina kahle emadokumenti lafana netiliphu tekutsenga, ema-inivoyisi, emarisithi, tiliphi tekufaka imali ebhange kanye nalamanye emadokumenti kutakusita kulawula kancono tindzaba takho tentsela nasekucinisekiseni kutsi uhlala uhambisana nemtsetfo wentsela.

Tinhlobo telibhizinisi netibopho tentsela

Tinhlobo telibhizini	Inchazelo	Tibopho tentsela
Umhwebi Loyedvwa/ Umnikati	Lisebenta ezingeni leliphasi futsi lichutjwa bantfu labatakhele ngekwabo ematfuba emsebenti. Lifaka libhizinisi lelingakahaleleki. Asikho sidzingo sekubhalisa kuKhomishane Yetinkapani Neyemphahla Yekuticambela (CIPC).	Bhalisela Intsela Yakho Yemalingena (PIT) bese njalo ngemnyaka uyabika ngemalingena yelibhizinisi lakho ngekwenta Imbuyiselo Intsela Yemalingena Yakho (ITR12). Uma kufuneka ukhokhele i-SARS, kufuneka wente njalo ngembi kwelusuku lolumncamulajucu lekukhokha lolukhonjiswe kuSatiso Seluhlolo (ITA34).
Kubambisana	Bantfu lababili noma ngetulu labanesifiso lesifanako labahlanganako kute bente libhizinisi. Asikho sidzingo sekubhalisa ku-CIPC. Umlingani ngamunye utawukhokhiswa intsela ayedvwa kuye ngelisheya lakhe lanalo kulibhizinisi.	Bhalisela Intsela Yakho Yemalingena (PIT) bese njalo ngemnyaka uyabika ngemalingena yelibhizinisi lakho ngesikhatsi wenta Imbuyiselo Yentsela Yemalingena Yakho (ITR12). Uma kufuneka ukhokhele i-SARS, kufuneka wente njalo ngembi kwelusuku lolumncamulajucu lekukhokha lolukhonjiswe kuSatiso Seluhlolo (ITA34).
Tinkapani Tangasese/ Temmango noma tinkapani letivalekile	Libhizinisi lelihlelekile lekudzingeka kutsi libhalise ku-CIPC bese litifola inombolo yekubhalisa yenkapani. Lenkapani ayikahlangani nemnikati wayo kantsi umnikati kudzingeka atfumele Imbuyiselo Yentsela Yakhe Yemalingena (ITR12).	<ul style="list-style-type: none"> » Liyatibhaliseleka kukhokha Intsela Yemalingena Yemabhizinisi (CIT) uma ubhalisa ku-CIPC futsi ubika ku-CIT njalo ngemnyaka ku-ITR14. » Bhalisela i-VAT – uma ufanelekile » Bhalisela i-PAYE – uma ufanelekile netintselo Letikhettsekile » Temabhizinisi Lamancane: Intsela Yetinzuzo, i-SBC noma i-ETI. » Kukhokhela tintsela
Emakhophorethivi	Ikhophorethivi yenteka uma licembu lebantfu, labanetifiso letifanako, bahlangana kute batfole inhlos letsite kutemnotfo, kutenhlalo noma kutemasiko, njengesitokufela, kubambisana kwemmango kutekulima, njll. Ikhophorethivi kufuneka ibhalise ku-CIPC. Emakhophorethivi akhokha intsela njengetinkapani.	Buka lokwenteka kuTinkapani Tangasese/Temmango noma tinkapani letivalekile

Uyibhalisela nini intselā?



Uma sewuyibhalisile inkapani yakho kuKhomishane Yenkapani Neyemphahla Yekuticambela (CIPC) lebeyatiwa ngekutsi yi-CIPRO ku- www.cipc.org.za. Kutatentakalela kutsi i-SARS ikhipe inombolo leyireferensi yakho yeNtsela Yemalingena Yenkapani (CIT). Lomelele inkapani emva kwaloku kutawufuneka abhalise ku-eFiling ye-SARS abuyekete Iwatiso, bese wenta lakwentako ngendlela le-elektronikhi naelemalula ne-SARS.

Umuntfu lotisebentako/Lomhwebi loyedvwa noma bantfu Labanebulingani kufuneka babhalisele Intselā Yemalingena Yabo (PIT) ngco ku-SARS ngekusebentisa i-eFiling.

Sibopho sakho sentsela

Noma ngabe ungumuntfu lotisebentako noma lonelibizinisi, kufuneka ubhalise libhizinisi lakho ku-SARS, ufayelele Imbuyiselo Yentsela yakho bese ukhokha intselā ledzingekako kusanesikhatsi.

Tindlela letimalula tekutsintsana ne-SARS

Kutsintsana kwakho lokunyenti ne-SARS kutawenteka nge-inthanethi ngekusebentisa i-eFilingye-SARS. Uma uhweba ungumuntfu loyedvwa futsi ungenayo inombolo leyireferensi yemalingena yentsela yakho, kufuneka ucale ngekubhalisela kuba mkhokhintselā ku-eFiling kute wakhe iphofayili yakho, inombolo leyireferensi yentsela yakho itawentiwa.

Kubhalisela i-eFiling:

- » Vakashela iwebhusayithi ye-SARS www.sars.gov.za bese uchafata eFiling bese uchafata REGISTER NOW; noma
- » Uma ungumhwebi losebenta yedvwa noma Unebalingani – Dawuniloda i-MobiApp ye-SARS ku-Google Play Store (kuma-Android) noma i-App Store (kutinsita te-Apple) bese uchafata ‘REGISTER’.

Ungaphindze ubukele ividiyo letsī “How to register for eFiling” ku-SARS TV ishaneli ye-YouTube.

Uma lonkhe Iwatiso Iwakho selubeyeketiwi, kakhulukati imininingwane yakho yasebhange, imininingwane yekuchumana kanye nemleli wenkapani ungabhalisela letinye tinhlobo tentsela letifana ne-VAT, PAYE, njll. ku-eFiling, ngaphandle kwekuya kuligatja le-SARS.

Tintsela letikhetskile letisebenta kumabhizinisi lamancane

Kunetikhutsati letinengi letikhona temabhizinisi lamancane letifana neNtsela Yemali Lesetjentiwe (TOT), Intsela Yetinhlangano Temabhizinisi Lamancane (SBC) kanye Nentsela Yesikhutsati Sekucasha (ETI).

1. Intsela Yemali Lesetjentiwe (TOT)

Intsela Yemali Lesetjentiwe ihlose kunciphisa nekwenta kukhokha intselo kube malula futsi nekucedza umtfwalo wekulawula kumabhizinisi lamancane lenta Inzudo yemnyaka le-R1 million noma ngaphasi kwaloko.

Loluhlelo Lwentsela Yemali Lesetjentiwe luluhlelo lolulodvwa lwentsela futsi lume esikhundleni Sentsela Yemalingena, se-VAT, Sentsela Yesikhashana, Sentsela Yemali Lenkhulu Nesentsela Yetabiwo. Emabhizinisi lafanelekile atawubika bese akhokha yinye (1) intselo (ngaphandle uma akhona kukhetsa i-VAT noma i-PAYE) bese acala kukhokha intselo uma inzudo layentako ngemnyaka ingetulu kwe-R335 000.



Caphela:

Libhizinisi lelincane lelibhalisele Intsela Yemali Lesetjentiwe lingaphindza likhetsa kubhalisela ne-VAT.

2. Inhlangano Yemabhizinisi Lamancane (SBC)

Emabhizinisi lamancane lenenzozo yemnyaka lefika ku-R20 million angafaneleka kukhokha Intsela Yemalingena ngelizinga lelincishiwe lensesa. Uma uveta kutsi libhizinisi lakho lincane kuMbuyiselo Yakho Yentsela Yemalingena (ITR14), futsi lihambisana nesidzingo lesibekiwe, lamazinga lancishisiwe atawuvele asebente. Akunasidzingo sekufaka sicelo sekunciphisa emazinga ngoba simo sakho sebu-SBC sitawubukwa ngekulandzela lwatiso loluku-ITR14.

Intsela Lengetiwe (VAT)

Emabhizinisi lanesilinganiso noma tinzudo tangempela letingetulu kwe-R1 million kudzingeka abhalise futsi abite 15% i-VAT kuleto tintfo netinsita letikhokhelwa intselo.

Tigaba Tekubhalisela i-VAT:

Kubhalisa Lokuphocelekile	Kubhalisa ngekutitsandzela
Kutawudzingeka kutsi ubhalisele i-VAT uma lokutsengisile kungetulu kwe-R1 million, kunoma ngabe ngusiphi isikhatsi setinyanga leti-12 noma uma ucabanga kutsi lokutsengisile kungahle kwendlule leyomali ngekubuka tivumelwano letibhalive tenkhontileka.	Ungafaka sicelo sekubhalisa ngekutitsandzela nanoma ngabe lokutsengisako, kungaphasi kwe-R1 million. Sidzingo sitsi lokutsengisiwe kufuneka kube sevele kwendlule umkhawulo we-R50 000, noma kungahle kwendlule R50 000 ngesikhatsi lesitinyanga leti-12. Kubhalisela i-VAT usebentisa i-eFiling ye-SARS kuyasheshisa futsi kumalula.

Pay-As-You-Earn (PAYE)

Umcashi lobhalisile noma lekufuneka abhalise ne-SARS abhalisele i-PAYE naye kutawudzingeka kutsi abhalise futsi akhokhe Intsela Yekutfukisa Emakhono (SDL) futsi akhokhe nemnikelo Wesikhwama Semshwalensi Walabangasebenti (UIF) ku-SARS.

Cinisekisa kutsi uyabhalisa ku-SARS kungakendluli tinsuku tekusebenta leti-21 emva kwekuba ngumcashi, dvonsa imali ye-PAYE neye-UIF kumiholo yetisebenti bese uyikhokha ku-SARS njalo ngenyanga. Lemali lena kufuneka ikhokhwe kungakendluli tinsuku letisikhombisa (7) emva kwekuphela kwenyanga. Lapho khona imiholo yetisebenti ingaphansi kwemkhawulo lobekiwe, lokuyimali le-R83 100 ngemnyaka, ayikho i-PAYE lekhokhwako.

Intsela Yesikhashana

Kuyatentakalela kutsi tonkhe tinkapani tibhaliselwe Intsela Yesikhashana ngesikhatsi tibhalisela Intsela Yemalingena Yetinkapani. Bantfu labanelibhizinisi lelinane futsi batfola imali kulelibhizinisi, ngaphandle kwemholo, kufuneka babhalisele Intsela Yesikhashana. Kufuneka ugcwalise bese utfumela Imbuyiselo Yekuhokha Intsela Yesikhashana (IRP6) kabi ngemnyaka bese ukhokha silinganiso semalingena yakho.

Lembuyiselo ingafayelwa ngekusebentisa i-eFiling ye-SARS. Kodvwa uma ubhaliselwe Intsela Yemali Lesetjentiwe, akunasidzingo sekutfumela i-IRP6.

Intsela Yemalingena Yetinkapani (CIT)

Tinkapani kufuneka tibike imalingena yato njalo ngemnyaka ngekufumela Imbuyiselo Yentsela Yemalingena Yetinkapani (ITR14) uma kubhaliswa kwato sekupheleliwi. Lokubika kufuneka kunembe, kuchaze yonkhe imalingena netindleko kute kugwenywe kwenta luhlolo lolusetulu noma loluphasi. Tinkapani netinhlangano letivalekile tikhokha linani lelizinga lelipansi leli-28%.

Tikhatsi Tekutfumela Timbuyiselo Tentsela ngekuya kweluhlobo Iwentsela

Luhlobo Lwentsela	Utfumela kangaki	Lifomu Lentsela	Emanothi
Intsela Yemalingena Yenkapani (CIT)	Kanye ngemnyaka kuhambisane nekuphela kwemnyakatimali wenkapani.	ITR14	Inkapani inetinyanga leti-12 tekutfumela i-ITR14 emva kwekuphela kwemnyakatimali njengoba kukhonjisive kusitifiketi sekubhalisa inkapani lesibuya ku-CIPC.
Intsela Yemalingena Yakho (yebantfu labatisebentako)	Kanye ngemnyaka njengoba i-SARS imemetele ngesikhatsi semnyaka sekufayela.	ITR12	Umhwebi lotimele yedvwa, lotisebentako nebantu labanebulingani kufuneka babike imalingena yelihbizinisi labo kutimbuyiselo tentsela yabo ngamunye.
I-VAT	Njalo enyangeni yesibili (2) kungakafiki mhla tinge 25th	VAT201	Lesikhatsi sitawubekelwa sikhatsi sekubhalisa futsi letinye tinkapani kungadzingeka kutsi titfumele njalo ngenyanga.
I-PAYE	Njalo ngenyanga mhla noma kungakafiki lusuku lwe 7th	EMP201	Kutfumela kuvalwa etinsukwini letisikhombisa (7) emva kwenyanga intsela idvonswe ngaso kusisebenti.
Intsela Yesikhashana	Kabili ngemnyaka	IRP6	Etinkapanini: Kutfumela kwekulala kufuneke kwenteke kusuka etinyangeni tekucala letisitfupha (6) temnyakatimali. Emuntfwini ngamunye: Kutfumela kwekulala kuvalwa mhla ti-30 Agasti bese kwasibili kona kuvalwe mhla ti-28/9 Febhuwari yalowo nalowo mnyaka.
Intsela Yemali Lesetjentiwe	Kanye ngemnyaka	TT03	Kutfunyelwa kwetimbuyiselo tentsela yemali lesetjentiwe kwentiwa kanye ngemnyaka kuhambisane nekutfunyelwa kwetimbuyiselo tentsela yemalingena yemnyakatimali wenkapani, noma emkhatsini kwamhla lu-1 kuJulayi kuya kumhla ti-31 Janawari wemnyaka lolandzelako wemuntfu ngamunye.
Kulungisela tisebenti	Ekupheleni kwa-Okthoba nasekupheleni kwaMeyi	EMP501	Kutfumela kwasikhashana kwekulala kuvala ekupheleni kwa-Okthoba bese kutfumela kwekugcina kona kuvalle ekupheleni kwaMeyi.

DISCLAIMER: The information contained in this leaflet is intended as guidance only and is not considered to be a legal reference, nor is it a binding ruling. The information does not take the place of legislation and readers who are in doubt regarding any aspect of the information displayed in the leaflet should refer to the relevant legislation, or seek a formal opinion from a suitably qualified individual.

Kutfola lwati lolubanti unga-

- » Vakashela likhasi Lemabhizinisi Lamancane kuwebhusayithi ye-SARS www.sars.gov.za .
- » Shayela inombolo YeSARS Contact Centre 0800 007277
- » Cela bakuphe sikhatsi egatjeni le-SARS ngekusebentisa luhlelo lwetfu lwe-eBooking ku- www.sars.gov.za
- » Uma ushaya usemaveni angesheya, shaya +27 11 602 2093 (emkhatsini kwa 8am na 4pm kuphela sikhatsi saseNingizimu Afrika).

Contact Us



e-Contact

Visit the Small Business page on the SARS website
www.sars.gov.za

Book an appointment on
www.sars.gov.za



Phone

SARS Contact Centre
0800 007277

If calling from abroad,
on +27 11 602 2093
(only between 8am and
4pm South African time).

SCAN ME



Follow us on



2020